



Universitätsbibliothek Paderborn

Homiliæ Qvadragesimales Reverendissimi D.ni P. F. Hieronymi Baptistæ De Lanvza Venerabilis memoriæ Episcopi Barbastrensis & Albarrazini, Ord. FF. Prædicatorum

Ex Hispanico idiomate in latinum perfectè fideliterq[ue] iuxta posteriorem
omnium, nouamq[ue] editionem translatae, & ab innumeris cùm S.
Scripturæ, tùm SS. Patrum typographicis erroribus emendatæ ... cum
triplici Indice ...

Lanuza, Jerónimo Bautista de

Antverpiæ, 1649

Svmmarivm Homiliæ Vigestimæseptimæ Seqventis.

[urn:nbn:de:hbz:466:1-53104](https://nbn-resolving.org/urn:nbn:de:hbz:466:1-53104)

S V M M A R I V M

HOMILIE VIGESIMÆ SEPTIMÆ SEQVENTIS.

REFERT D. Ioannes Euangelista miraculum cum notissimum, tum celeberrimum patratum à Christo Domino, quo prandium paravit opulentissimum, quinque millibus hominum, & innumerabili mulierum, puerorumque multitudini (sic sentit D. Hilarius) quinque solummodo panibus hordeaceis, & duobus piscibus. Circa quod septem considerantur articuli. Primus ostendit, quod Deus electis suis nedum in altera vita bona tribuit gloriæ, sed etiam in hac prospicit de temporalibus *a*. probatque qualem eorum gerat sollicitudinem, in hac, quam eorum habebat, qui eum sequebantur *b*. Secundus habet, quod licet præsciret quid esset factururus, Philippum tamen interrogat ad maiorem miraculi confirmationem, doctrinamque nostram *c*. Tentans eum, ut eius fidei pateat infirmitas *d*. Agens velut magister cum discipulis suis, & strenuus dux cum militibus suis *e*. Tertius docet, licet Dominus in sua interrogatione sapientissimæ daret answeram responsioni: non tamen aduertit illam D. Philippus *f*. & quas dederunt ipse, diuusque Andreas, insipientes & inordinata fuerunt, talesque sunt quæ communiter pauperibus obijciuntur *g*. Quarto intelligimus; docere Christum ad bonorum eius in nobis multiplicationem requiri, ut aliquid ex nostra parte conferamus *h* & si velimus quod nobis prandium non desit, sed superfluat, quisque suo resideat loco *i*. Quinto: vult Dominus videat diues modum dandi eleemosynam hunc esse eminentiorem, si illam proprijs erogat manibus indigentibus *k*. Sexto præter tendit; ut videamus quàm libere suis prospiciat *l*, nec velit quidquam perire eorum, quæ diues domi suæ possidet *m*; Formamque hanc esse convenientiorem: ut domi suæ panis augetur, illum dispertiri *n*. Tandem qua ratione hoc fecerit miraculum, ut sanctissimi Sacramenti fundamentum quod volebat publicari; talibus enim illud egit circumstantijs, ut vnum alteri corresponderet *o*.

- §. 1. Electis suis providet Deus ambabus manibus, id est bonis æternis, quæ in monte Thabor ostendit, & temporalibus, quæ hodie in monte Hermon exposuit.
- §. 2. Abijt Iesus trans mare Galilææ. Secessit Dominus in desertum mortem deplangens sui Præcursoris, requiem suis tribuens Apostolis, & dum oculos suos subleuavit, nostros componit.
- §. 3. Cum subleuasset oculos Iesus, & vidisset &c. Oculos suos subleuavit, demonstrans sollicitudinem in sustentandam Hier. Bapt. de la Nuz. a. Tom. III.

- do illos, qui eum sequuntur, & ostenditur, si quis de illo dubitet, ut ostendit in Anania, & Seraphia, Moyse & Aaron.
- §. 4. Vnde ememus panes? Seruis Dei non deficit alimentum, quibus & viliter & honorificè succurrit, non sicut diabolus, mundus, & caro.
- §. 5. Vnde ememus panes? Ad Dei spectat providentiam nos alere, seque credit offensum ab eo, qui de illo in suis diffidit angustijs.

A

§. 6. Vt

§. 6. Ut manducanti, &c. *Deus, qui propter bonos creavit mundum, & sustentat malos, & quidquid in eo est, non est fame sine interire.*

§. 7. Subijt in montem &c. *Et cum vidisset, quia multitudo maxima &c. Christus in sublimi illos intuetur, qui sunt in declivi. Hoc diues faciat & miseretur pauperu, sibi que pariet tranquillitate.*

§. 8. Dixit ad Philippum: unde ememus panes: *Querit Deus, ut tanto pateat miraculum euidentius, quam illud aquarum, & maris: hoc tibi sit utilitati.*

§. 9. Hoc autem dicebat, tentans eum. *Tentat Christus Philippum, ut eius fides deficiat de tegetur, ad cuius mensuram ipsius sunt miracula, & omnium suprema fuit illa virginis sanctissima.*

§. 10. Fides miraculorum operatoria est eam viua, ut securam excitet fiduciam: ob cuius defectum in nobis pauca Deus operatur.

§. 11. Tentans eum. *Tentat illum Dominus instar Magistri & Ducis, qui tumultum fugit: aliquando est flaccida fides, etiam in tam magnis sanctis, qualis Abraham: unde de nobis quoad hoc Deus sicut de rege Asa, conquiritur.*

§. 12. Unde ememus panes? *Non aduertit Philippus quid Christus interroget, nec ille, nec Apostoli ad eius recurrunt potentiam pro elemosyna, sicut pro vindicta.*

§. 13. Ducentorum denariorum, &c. *Est puer vnus hic, &c. Quidam pauperi respondent cum Philippo, quod non sit: alij cum Andrea, quod tantu non sufficiat: cum elemosyna crescere debeat tantum, quantum crescunt tanti.*

§. 14. Praecipit Christus, sui tradantur mani-

bus, ut tribuat comedendum affectu suo: quinque videlicet panes hordeacei, & duo pisces: quia tanquam Deus tantum intendit ne esuritu remedium in victu. quem illi concedit, & non si perstinas carnis delicias.

§. 15. Afferte illos huc. *Tu aliquid ex parte tua Christi trade manus, ut crescat: & magnam ostendat elemosyna excellentiam, quam facit, ex hoc, quod in tuum habebas alimentum.*

§. 16. Facite homines discurrere. *Praecipit Christus, ut ordine suo turba resideat, quod factum est: ut esca superflua: cuius figura fuit cythara uatis Elisei.*

§. 17. Accipit ergo Iesus panes, & cum gratias, &c. *Accipiendo panem oculos atolle cum gratiarum actione versus caelum, & te felicem reputa, qui proprijs possis seruire manibus pauperibus, quibus Christi & Apostolorum manus deseruiunt.*

§. 18. Apposuerunt turbae, &c. *Sicut Apostoli numquam predicationis intermiserunt officium, sic nec proprijs manibus obsequium prestare pauperibus, ut declarat D. Paulus.*

§. 19. Excellentiam coniugij in quantitate declarat ipsum quantum volebant; & in qualitate, ipsum Impleti sunt, licet ex pane hordeaceo & sine potu.

§. 20. Colligite, quae superauerunt fragmenta &c. *Docet Saluator qualiter tibi nihil pereat de domus tuae reliquijs, multo meliori forma, quam Deus Stercutius.*

§. 21. Collegerunt duodecim cophinos. *Distributus panis crescit: est enim elemosyna ars lucrandi apertissima: Cum pauperi prouisum est, collige, & non ante.*

§. 22. Fecit hoc miraculum Christus, volens illud de SS. Sacramento publicare, ut esset velut arcus suus, fuitq; vere in tredecim circumstantijs notatu dignissimu.

